



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 49. Conradus III. Rex Romanorum.

[urn:nbn:de:hbz:466:1-66385](#)

Sæcul. XII. Januarii anno millesimo centesimo trigesimo nono mortui, vacans demum post elapsos annos duos Episcopum accepit.

§. XLIX.

Conradus III. Rex Romanorum.

Otto. Fris. VII. Chron. t. 22. dech. a. 1138. Chrenager. Sax. Id. In Germania, Lothario Imperatore fatis functo, Comitia generalia Moguntiæ celebranda ad Festum Pentecostes anno millesimo centesimo trigesimo octavo indicta fuerant; sed cum non nulli Principes timerent, ne Henricus Superbus Dux Bavariæ, defuncti Imperatoris gener, solus in illo Conventu dominaretur, cum illa tempestate omnes Germaniæ Principes potentia superaret, congregati Confluentiæ, in Festo Cathedræ S. Petri, vigesima secunda Februarii, Regem Romanorum elegerunt Conradum, Ducem Sueviæ, Henrici V. ex sorore nepotem. Hæc electio præsente Theodo uno Episcopo Cardinali, & Sacrae Sedis Legato, peracta est, qui consensum Papæ, Romanorum, & omnium in Italia urbium accessorum esse promisit. Tum Neo electus Rex Conradus III. Aquisgranum delatus, in illa civitate in Dominica mediæ Quadragesimæ, die decima tertia Martii, igitur a Cardinali Legato, Archiepiscopis Coloniensi & Trevirensi, aliisque Episcopis assistentibus. Nam Archiepiscopi Coloniensis quidem fuisse Regem coronare,

nare, sed is Pallium Roma necdum acce- Sæcul. XII.
perat. Rex vero Conradus, Festo Pa- A.C. 1138.
schæ, quod hoc anno millesimo centesi-
mo trigesimo octavo in tertiam Aprilis
incidebat, Coloniæ celebrato, inde Mo-
guntiam digressus, huic Sedi, mortuo
Alberto Archiepiscopo, vacanti defuncti
nepotem, & ipsum Albertum nomine,
juxta electionem Clericorum & populi
præfecit. At Saxones & Dux Henricus,
cui præter Bavariam etiam Saxonia infe-
rior parebat, contra electionem Conradi
Regis reclamabant, cumque ad Comitia
totius Gentis a Conrado ad Festum Pen-
tecostes Bambergæ celebranda suissent
invitati, illi quidem adfuerunt, sed Dux
Henricus contumaciter venire recusavit,
qui, deinde gradu suo dejectus, anno se-
quente etiam vitam posuit.

In illo Conventu Bambergensi Neo
electum Archiepiscopum Moguntinum,
Albertum secundum, Die Dominica in
Octava Pentecostes, ordinavit S. Otto
Episcopus Bambergensis, qui haud diu
postea superstes fuit. Nam senectute &
morbis debilitatus in dies deficiebat; ^{vit. c. 45. 46.}
^{to. 2. Canis.}

supremo tamen vitæ tempore curam
pauperum non abjecit, quibus urbes &
pagos vicinos implevit, ut largiter ele-
mosynam acciperent. Ecclesiarum quo-
que & Monasteriorum necessitatibus in
sua Diœcesi paterne providebat, quibus

Fff 5 San-

Sæcul. XII.
A.C. 1138.

Sanctis operibus intentum fata mortali-
tati eripuerunt, vigesima nona Junii, an-
no millesimo centesimo trigesimo nono.
Corpus defuncti per triduum in omnes
urbis Ecclesiæ delatum est, ubi Sanctum
Sacrificium & preces continuæ pro ani-
ma Episcopi oblatæ, multæque elemo-
synæ in pauperes sparsæ. Die quarta,
mensis Julii secunda, Imbrico Episcopus
Heripolensis, defuncti amicus, ad ex-
equias celebrandas advenit, & oratione
funebri pronunciata commemoravit,
quantum Antistitem, Ottone e vivis
translato, pauperes, Imperator, Papa,
Ecclesia, Respublica amisissent. Tandem S. Otto in Ecclesia Monasterii S. Mi-
chaelis, ab ipso fundati, sepelitur, quem
post annos ab obitu quinquaginta Cle-
mens III. Pontifex maximus Sanctorum
numero solemnri ritu adscripsit; ejus ve-
Mart. Rom. ro memoriam die, qua sepultus est, Ec-
2. Jul. clesia colit.

§. L.

Albericus Legatus in Anglia.

Innocentius Papa Albericum Episcopum
Ostiensem, cum Legati potestate, in
Angliam & Scotiam miserat. Erat ve-
ro Albericus de Gente Francorum, Bel-
vaci natus, tum Monachus Cluniacensis
to. 10. Conc. & Prior ad S. Martinum *de pratis*, quem
p. 992. nuper Papa Cardinalem creaverat. Is
ubi